

SKIPULAGSSKRÁ

fyrir sjóð Heklu hf. til minningar um hjónin Rannveigu Ingimundardóttur og Sigfús Bjarnason, sem stofnuðu Heildverslunina Heklu hf.

1. gr.

Sjóðurinn heitir: Sjóður Heklu hf. til minningar um hjónin Rannveigu Ingimundardóttur og Sigfús Bjarnason. Stofnandi sjóðsins er Hekla hf.

2. gr.

Stofnfé sjóðsins er kr. 3.000.000,00 – þrjár milljónirkróna – og skal það mynda höfuðstól sjóðsins. Höfuðstóllinn skal hækka um fjárhæðir, sem síðar kunna að berast sjóðnum.

3. gr.

Tilgangur sjóðsins er:

1. Að stuðla að rannsóknum á sviði hugvísinda og raunvísinda, m.a. í því skyni að efla tengsl milli atvinnulífs og æðri menntunar.
2. Að hlúa að menningarstarfi og listiðkun.

4. gr.

Reikningsárs sjóðsins er almanaksárið. Reikningar sjóðsins skulu endurskoðaðir af endurskoðendum Heklu hf. Reikningar sjóðsins skulu birtir með ársskýrslu Heklu hf.

5. gr.

Stofnfé sjóðsins er lagt fram sem bankainnstæða. Sjóðurinn skal ávaxtaður með bestu kjörum, sem hægt er að ná á hverjum tíma að mati stjórnar sjóðsins. Raunvaxtatekjum sjóðsins má verja samkvæmt 3. gr.

6. gr.

Styrkjum úr sjóðnum skal úthluta samkvæmt ákvörðun stjórnar hans.

7. gr.

Stjórn sjóðsins skal skipuð fimm mönnum.

Aðalfundur Heklu hf. kys fjóra til 2 ára. Þannig að 2 og 2 ganga úr stjórn hverju sinni. Stjórn Heklu hf. skipar einn til eins árs í stjórnina og skal hann vera formaður stjórnarinnar. Stjórnarmenn má endurkjósa og endurskipa.

Sjóðsstjórnin skal halda fundargerðarbók, þar sem bóka skal allar ákvarðanir stjórnarinnar varðandi sjóðinn.

8. gr.

Kostnaður greiðist af tekjum sjóðsins.

9. gr.

Stjórnin setur sér starfsreglur.

10. gr.

Skipulagsskrá þessari má breyta á aðalfundi Heklu hf.

11. gr.

Leita skal staðfestingar dómsmálaráðherra á skipulagsskrá þessari, svo og á breytingum, sem kunna að verða gerðar á henni sbr. 10. gr.

Skipulagsskrá fyrir: Sjóð Heklu hf. til minningar um hjónin Rannveigu Ingimundardóttur og Sigfús Bjarnason, sem stofnuðu Heildverslunina Heklu hf. Stofndagur 29. desember 1986, með breytingum sem samþykktar voru á aðalfundi Heklu hf. 12. júlí 1990.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 30. ágúst 1993.

F. h. r.

Þorsteinn Geirsson.

Jón Thors.

REGLUGERÐ

um tryggingarskyldu vegna verðbréfamiðlunar og verðbréfavíðskipta.

1. gr. Í reglugerð þessari merkir:

1. *Viðskiptamaður*: Einstakling eða lögaðila sem verðbréfamiðlari eða verðbréfafyrirtæki hefur annast milligöngu um kaup og sölu verðbréfa fyrir.
2. *Tjónsatvik*: Hvert einstakt skaðabótaskýlt atvik er hefur tjón í för með sér, sbr. 91. gr. laga nr. 20/1954 um váttryggingarsamninga.
3. *Glatað heimildarskjal*: Telst verðbréf eða annað heimildarskjal þegar það týnist, eyðileggst eða skemmist þannig að réttur samkvæmt því skerðist eða tapast að einhverju eða öllu leyti, tímabundið eða varanlega.
4. *Ábyrgðartrygging*: Váttrygging gegn skaðabótaábyrgð sem váttryggður kann að baka sér gagnvart þriðja manni (tjónþola) vegna atvika sem hafa tjón í för með sér og hann ber ábyrgð á. Tjónþoli nýtur ekki góðs af ábyrgðartryggingu nema hann eigi skaðabóta-kröfu á hendur váttryggðum.

2. gr.

Verðbréfamiðlurum og verðbréfafyrirtækjum ber eftir almennum reglum skaðabóta-réttar að bæta viðskiptamanni sínum það tjón sem þau kunna að baka honum með störfum sínum.

Nú skortir verðbréf einhverja þá kosti sem ætla má að áskildir hafi verið og ber þá að bæta viðskiptamanni það tjón sem af hlýst, enda verði það talið verðbréfamiðlara til gáleysis að hafa ekki vakið athygli viðskiptamanns síns á annmarkanum.

Glatt heimildarskjal eða fjármunir sem verðbréfamiðlari eða verðbréfafyrirtæki hefur í vörslum sínum í þágu viðskiptamanns ber verðbréfamiðlara eða verðbréfafyrirtæki að bæta allt það tjón er af því hlýst.